

Boux Daiqdaeuz Guh Gij Canjnieb Vut Gungz

—Geiq Vangz Hozmeij Boux Veijyenz Vanzgyangh Mauznanzcuz Swciyen Gaiq Daihbet Cwnghez

“Bineix makbug baenz lailai, cungj baengh cujyin daiqdaeuz ndei. Ndaem gai senhconz de cungj bang, vut gungz mbouj you caez sim’ angq.” Youq dieggoek ndaem makbug ndaw nding Vanzgyangh Mauznanzcuz Swciyen Daanh Yangh caijfangj, bouxraiz dingq ndaej nyi ceiq lai haenx dwg, vunzlai seyenx haenx boux cujyin segih daiqlingx ndaem makbug ndaw nding byaij diuzroen vut gungz bienqfouq haenx. De couhdlg Vangz Hozmeij, boux veijyenz Vanzgyangh Mauznanzcuz Swciyen Gaiq Daihbet Cwnghez, boux cujyin Daanh Yangh Daanh Segih Gihveijvei.

Vangz Hozmeij bineix 48 bi, dwg boux mehmbwk Bouxcuengh youq Mbanjdangzgvanh Daanh Yangh sengmaj ndeu. Bi 2012, de ndaej doisenj bae daengz Daanh Segih dang ganbu cienmonz guh gij hong giva senglw. Bihaenx, Daanh Yangh deng doekdingh baenz dieg guhyiengh “daengx mbanj doicaenh” Hozciz Si haifat banggungz, hix dwg dieg guhyiengh “daengx mbanj doicaenh” daih’ it Guengjsae haifat banggungz. Dieg guhyiengh aeu yangh guh danhyenz dungjyiz gveihva, cingjhab swhyenz, dungjcouz cingjdaej doi-caenh haifat canjnieb, hwnjguh sezsih giekdae, ancieq ndei gij vunzhojndoq buen bae diegwnq youq haenx, gaijgez aen vwndiz vunzhojndoq daengx yangh vut gungz. Youq ndaw aen ciuzlouzhung “yawj dieg bae guh canjnieb, byaengqhai lohnaemj daj-cauh canjnieb, cauhoq vunqsik hwnjguh canjnieb, yung hndei cwngcwz haeujcoengh canjnieb, daiq-doengh vunzguhnaz caez nyoengx canjnieb”, Daanh Segih youq Mbanjdangzgvanh hwnjlaeb dieg guhyiengh ndaem makbug ndaw nding 800 moux, cujiz 56 ranz ranzguhnaz gyahaeuj hozcozse (ndawde miz 13 ranz ranzhojndoq, 46 vunz vunzhojndoq), caeuq Guengjsae Ginhgoj Swngghdai Nungzyez Fazcanj Gunghsw hdoxgap laeb-baenz “dieg guhyiengh makbug hawj Vanzgyangh gyaundej Mauznanz Cungguek”, hix couhdlg “dieg guhyiengh (haedsim) nungzyez daegsaek daihneix makbug ndaw nding Vanzgyangh”, ciuq gij vunqsik “aen haedsim ndeu song aen mbanj sam aen suen seiq aen gih” douzcienz hwnjguh. Dieggoek daengxheij ndaem 3200 moux, ndawde gij giyez gunghsw daiqdaeuz haenx ndaem 1500 moux, gij hozcozse vunzguhnaz caeuq gyoengq vunzguhnaz henzgyawj de ndaem 1700 moux. Doenggvaq gij



▲ Vangz Hozmeij cingq dajcang makbug ndaw nding bae gai.

giyez daiqdaeuz haenx daeuj daiq-doengh ranzhojndoq hwnghat gij canjnieb mak, baengh guhhong vut gungz. Gij giyez daiqdaeuz haenx moix bi anbaiz daih’ iek 300 ranz ranzhojndoq, 1000 vunzbaez daeuj dieggoek guhhong. Seizneix, aen dieggoek neix gaenq cobouh guhbaenz gij gwzgz hwnjguh cujiz ginghyingzva, cangboiq sezsihva, swngghcanj byauhcanjva, yausuz cizcwngzva, daegsaek canjyevza, cugyamq dajcauh dieg guhyiengh (haedsim) nungzyez daegsaek daihneix comz nungzyez swngghcanj, swngghdai, ndwenngoenz, yawj gingjsaek, youqndwi baenz aen cingjdae ndeu, yingjyangj daiq-doengh ranzguhnaz dangdieg doigvangq wngqyung h gisuz moq.

Makbug ndaw nding dwg makbug ndawde cungj binjcungj gig ndei ndeu, nohmak oiq raemx lai, soemj van gig ndeigwn, caemhcai q gig miz yingzyangj dem, miz hauilai gij yenzsu lienghnoix ndang vunz aumiz haenx. Vihliux daiqlingx vunzlai dangdieg baenghgauq gisuz ndaem makbug ndaw nding, byaij diuzroen baengh canjnieb vut gungz, Vangz Hozmeij caeuq gvan de doxyaeng, bonjfaenh daiqdaeuz guhyiengh ndaem 20 moux makbug ndaw nding. Ginggvaq bae guh, de gig vaiq sugrox gaemdawz gij

fuengfap gisuz ndaem makbug ndaw nding. Doenggvaq gohyoz dwk bwnh, gaj non, buenz namh, ciemz rum yungsim bae leix, gij gomak de maj ndaej gig ndei. Vangz Hozmeij doq leix suenmak ranz bonjfaenh, doq naihsim sijsaeq bae son bang seyenx zizyavz guh ndei gij hong ganq leix gomak. Mbouj geijlai nanz, Vangz Hozmeij haengj guh gaenx guh, haengj bang vunz haenx ndaej senj guh boux cujyin Daanh Segih Gihveijvei, lij miznaj gyahaeuj Cungguek Gungcanjdangj dem. Bi 2016 ndwen 8, de youh ndaej senj dang boux veijyenz Vanzgyangh Mauznanzcuz Swciyen Gaiq Daihbet Cwnghez. Daj neix hwnj, gij hong de engqgya nyaengq lo, baenzngoenz vih gij hongsaeh segih, guenjguh hozcozse swngghcanj, cwnghez veijyenz hengzguh cizvu nyaengq ndaej baenqlulu, hoeng de itloh cungj mbouj miz saek coenz vah’ ienq, simangq bae guh mbouj rox naetnaiq, youq diuzsienq daih’ it gunggeng vut gungz cungj yawj ndaej raen aen ngaenzndang nyaengqfoed de, de fatok le gij cozyung senhfungh mozfan boux gungcanjdangjyenz caengzdae ndeu.

Goengfou mbouj vi boux mizsim. Bi 2016, dieg guhyiengh ndaem makbug ndaw nding Vangz Hozmeij mak baenz lailai, gai ndaej 380 lai

fanx maenz ngaenz. 300 lai ranz ranzhojndoq henzgyawj hix aenvih makbug baenz lai demsou vut gungz. Bi 2018 ndwen 8, makbug ndaw nding Vanzgyangh aeundaej mbawcingq daenghgeiq doxgaiq reihnaz deihleix geiqhauh Guekgya Nungzyezbu; dieggoek ndaem makbug ndaw nding Dangzgvanh Daanh aeundaej “mbawcingq nyinhcingq huq youjgih”. Bi 2017, swciyen yinzminz cwngfuj youh okdaiz cwngcwz gikleih, youq ndaw gvaengh daengx yienh bangrex ranzhojndoq hwnghat gij canjnieb vut gungz, baenz benq baenz benq raemj faexnganqciq ndaem mak, rengzrdw hwnghat gij canjnieb makbug ndaw nding. Seizneix, daengx yienh gungh ndaem miz 6 fanx moux makbug ndaw nding, moix bi baenz mak yawhsuenq miz daengz fanx dun doxhwnj, gyaqcienz daihgaiq ndaej mauhgvaq ik maenz ngaenz.

Bi 2015, Vanzgyangh banh ciet makbug ndaw nding gaiq daih’ it, hawj gyoengq bouxsuifeiq baez daih’ it cimz daengz gij feihdauh daegbied soemj van ndeigwn cungj mak neix; bi 2016, aen yienh neix baengh gij hozdung ciet makbug ndaw nding gaiq daihngaih, doenggvaq gij sibinz cigboq Guengjsae Veisi lienx sienq, youq daengx gih doiok gij vunqsik “TV + densangh banggungz”, cungfaenh leihyungh Guengjsae Veisi, Guengjsae Vangjloz Gvangibo Densidaiz, soujgih veihsin doenghgij bingzdaiz neix, haenqrengz doigvangq gaisau caeuq gai makbug ndaw nding. Bi 2018 ndwen 9 ngoenz 19 daengz ndwen 10 ngoenz 7, Vanzgyangh youh banh ciet funksou vunzguhnaz gaiq daih’ it caeuq ciet makbug ndaw nding gaiq daihseiq, yungsim caepcawq le baenzroix hozdung lai saek lai yiengh, lij doenggvaq Suhningz Yizgou, Gighdungh, Dauzbauj doenghgij bingzdaiz densangh neix gai mak, doengzseiz youq Gighdungh haiguh “Gvanj Vanzgyangh”, gai gij makbug ndaw nding ranzhojndoq gonq, yung hndei daeuj bangdoi vut gungz gunggeng.

Gij siusik ndei angqhoh ngoenz-ciet cienx daeuj, boux ndaem mak baedauq doxlwnh. Gyoengq vunzlai Daanh Segih engq dwg naj riu naj hai. Dauqngex bonjfaenh byaijhwnj diuzroen baengh canjnieb vut gungz, gyoengqde nyaenx mbouj ndaej eu hwnj hot fwen gij haidaeuz bien faenzcieng neix gangj daengz haenx.

(Veiz Suicanj raiz Dahdingz hoiz)